

Meeqqanut suli atualinngitsunut perorsaanikkut inerikkiartuutaasumik ulluunerani neqeroorutitut akiliuteqartarneq pillugu Namminersorlutik Oqartussat nalunaarutaat

Meeqqanut suli atualinngitsunut perorsaanikkut inerikkiartuutaasumik ulluunerani neqeroorutitut pillugit Inatsisartut peqqussutaanni nr. 10, 5. december 2008-meersumi § 5, imm. 1, nr. 1 naapertorlugu aalajangersarneqarpoq.

Akit

§ 1. Kommunalbestyrelsip meeqqat meeqqanut suli atualinngitsunut ulluunerani neqeroorutiniinnerinut ukiup tulliani akiliutissat kingusinnerpaamik novemberip qaammataani aalajangersassavaat.

Imm. 2. Akit aalajangersarneqassapput kommunit meeqqanut suli atualinngitsunut ulluunerani neqeroorutitut ukiumut aningaasartuutissatut missingersuusiat aamma akiliisussaatitaasut aningaasaqarnikkut atugarisaat tunngavigalugit, akiliisussaatitaasullu ukiumut isertitaat naapertorlugit aalajangiunneqassallutik.

§ 2. Kommunalbestyrelsip akit meeqqanut 0-imiik 2-nut aamma 3-niit 6-inut ukiulinnut assigiinngitsut aalajangiussinnaavai.

Imm. 2. Sunngiffimmi sammisaqartitsinerup aaqqissugaanera pillugu Inatsisartut inatsisaata akuersissutigineqarnissaata tungaanut, tak. Meeqqanut suli atualinngitsunut perorsaanikkut inerikkiartuutaasumik ulluunerani neqeroorutitut pillugit Inatsisartut peqqussutaanni nr. 10, 5. december 2008-meersumi § 31, imm. 3, meeqqat fritidshjemminiinnerinut akit immikkut aalajangersarneqarsinnaapput.

Imm. 3. Kommunalbestyrelsip kommunimi illoqarfinni nunaqarfinnilu akit assigiinngitsut aalajangiussinnaavai. Taamaattoq illoqarfiup nunaqarfulluunniit ataatsip iluani meeqqeriviit ataasiakkaarlugit assigiinngitsunik akeqartussanngorlugit aalajangersaasoqarsinnaanngilaq.

Imm. 4. Kommunalbestyrelsip angerlarsimafinni paarsinnermut kommunip aaqqissugaanut immikkut akiliuteqartarnissaq aalajangiussinnaavaa.

Imm. 5. Kommunalbestyrelsip meeqqat sapaatip-akunneranut nalunaquttap-akunneri 25-t tikillugit meeqqanut suli atualinngitsunut ulluunerani neqeroorutiniittartut affaannarmik akeqarnissaat aalajangiussinnaavaa.

§ 3. Akit skala ataaniittoq malillugu aalajangerneqartassapput:

Isertitarisartakkat:

Inissamut ataatsimut aningaasartuutit %-iat

	% minnerpaamik	% annerpaamik
Indtil - 149.999 kr.	0	5
150.000 – 174.999 kr.	5	6
175.000 – 199.999 kr.	5	7
200.000 – 224.999 kr.	5	8
225.000 – 249.999 kr.	5	10
250.000 – 274.999 kr.	5	15
275.000 – 299.999 kr.	10	20
300.000 – 324.999 kr.	10	22
325.000 – 349.999 kr.	10	24
350.000 – 374.999 kr.	10	26
375.000 – 399.999 kr.	10	28
400.000 – 424.999 kr.	10	30
425.000 – 449.999 kr.	10	32
450.000 – 474.999 kr.	10	34
475.000 – 499.999 kr.	10	36
500.000 – 549.999 kr.	10	39
550.000 – 599.999 kr.	10	42
600.000 – 649.999 kr.	10	45
650.000 – 699.999 kr.	10	48
700.000 – 749.999 kr.	10	51
750.000 – 799.000 kr.	10	54
800.000 – og derover	10	57

§ 4. Akiliisussaatitaasoq imaluunniit akiliisussaatitaasut , tak. § 5, kommunalbestyrelsip § 1, imm. 1 naapertorlugu akit annertussusissaanut aalajangiinerata kinguninngua, akit annertussusaat pillugu ilisimatinneqassapput.

Akiliisussaatitaaneq

§ 5. Akiliisussaatitaapput meeqqap inuit aqqisa allattorsimaffiat naapertorlugu najugaqarfigisaa imaluunniit najugaqarfigisai, taamaattoq takukkit imm. 2 aamma 3, kiisalu § 6.

Imm. 2. Meeraq ilinniarnermut assigisaanulluunniit atatillugu nalinginnaasumik najugarisami avataani najugaqarallarpai, akiliisussaatitaapput meeqqap nalinginnaasumik najugaqarfigisaa imaluunniit najugaqarfigisai. Meeqqap najugaqarallarfegalerata kingorna sumi nalinginnaasumik najugaqarfeqarnera nalornisigineqalissappat, akiliisussaatitaasut tassaassapput ataatsimoortumik naliliisoqareerneratigut meeqqat nalinginnaasumik najugaqarfigisaatut ilimagisariaqartut.

Imm. 3. Meeraq nammineq aqqissuutamik ilaqutariinni paarineqarpat akiliisussaatitaasut Meeqqanik

inuusuttunillu ikiorsiisarneq pillugu Inatsisartut peqqussutaanni § 20, imm. 3 naapertorlugu aalajangerneqassapput.

Akiliiffusussaanngitsumik ilaannakortumilluunniit akilimmik inissaq

§ 6. Meeqqanut sulī atualinngitsunut ulluunerani neqeroorutiniittunut kommunillu paaqqinnittarfutaanniittunut 15-init inorlugit ukiulinnut inissamik akiliiffusussaanngitsumik tamakkiisumik tunniussisoqartarpoq meeraq ulloq-unnuarlu paaqqinnittarfinniittunut imaluunniit pisortatigoortumik ilaqutariinni paaqqutarineqartunut.

§ 7. Meeqqanik inuusuttunillu ikiorsiisarneq pillugu Inatsisartut peqqussutaanni § 9 naapertorlugu ikiuiniaarluni suliniutinik aallartitsisoqarnissaanik aalajangiinermut atatillugu kommunalbestyrelsi meeqqanut sulī atualinngitsunut neqeroorutini inissamik akiliiffusussaanngitsumik ilaannakortumilluunniit akiliiffusussamik tunniussinissamik aalajangiisinnaavoq.

Qatanngutigiinnut akikillisaat

§ 8. Akiliisussaatitaasoq imaluunniit akiliisussaatitaasut meeqqap 15-it inorlugit ukiullip meeqqanut sulī atualinngitsunut ulluunerani neqeroorutiniittartup aamma fritidshjemmiittartup ataatsip saniatigut meeqqanik allanik akiliissutassaqarunik meeqqamut angajullermut tamakkiisumik akiliisoqartassaaq, sinnerinullu affarmik akiliisoqartassalluni.

Naatsorsuinermi tunngavissaq

§ 9. Meeqqanut ulluunerani neqeroorutiniittartunut akiliut aalajangerneqassaaq akiliisussaatitaasup imaluunniit akiliisussaatitaasut ukiumi isertitaqarfusumi kingulliulluni naammassisumi isertitaat akileraaruteqaataasussat aallaavigalugit.

Imm. 2. Akiliisussaatitaasup imaluunniit akiliisussaatitaasut isertitat akileraaruteqaataasussat imm. 1-imi pineqartut allanngorpata kommunalbestyrelsi kalerrissavaat.

Imm. 3. Meeqqanut sulī atualinngitsunut ulluunerani neqeroorutinit akiliutit kommunalbestyrelsip allanngortissavai, tak. imm. 1. Taamaattoq taama pisoqannginnerani kommunalbestyrelsi isertitat akileraaruteqaataasussat imm. 1-imi pineqartut allannguutaat pillugit uppersaatissanik piniaqqaassaaq. Meeqqanut sulī atualinngitsunut ulluunerani neqeroorutiniinnermut akiliutit allanngornerat qaammammik ataatsimik sioqqutsisumik nalunaarutigineqassaaq, qaammatillu aallaqqaataaniit atuutilissalluni.

§ 10. Kommunalborgbestyrelsip aalajangersinnaavaa, isertitat akiliutinit tunngavigineqartut, tassaassasut maannakkorpiag isertitat, naleqqiussinikkut ukiumoortumik tamakkiisumik isertitatut naatsorsorneqartut, akiliisussaatitaasoq imaluunniit akiliisussaatitaasut isertitamikkut annertuumik allanngortoqarnera uppersarsinnaappassuk.

Imm. 2. Akileraarusiisarnermi oqartussaasut aningaasarsianik akileraaruteqaataasussanik siusinnerusukkut annertussuliisimangippata akiliisarnissaaq pisassaaq siumoortumik nalunaarsuineq tunngavigalugu imaluunniit maannakkorpiag isertitarisartakkat ukioq kaajallallugu isertitarisassatut naatsorsuussanut naleqqussareerlugit.

Isertitat pillugit nalunaarut

§ 11. Meeqqap meeqqanut sulī atualinngitsunut ulluunerani neqeroorummut iserneranut atatillugu imaluunniit akiliisussaatitaasup allanngorneranut atatillugu, tak. § 5, akiliisussaatitaasq imaluunniit akiliisussaatitaasut isertitat pillugit allakkatigut kommunalbestyrelsimut nalunaaruteqassapput.

Imm. 2. Isertitat pillugit nalunaarummut ilaassaaq kommunalbestyrelsimut pisinnaatitsissut, meeqqap meeqqanut ulluunerani neqeroorutiniinnera tamaat kommunalbestyrelsip akileraartarnermi oqartussaasunit akiliisussaatitaasq imaluunniit akiliisussaatitaasut isertitaat pillugit paasiniaasinnaatinneqarneranik imaqartoq.

Imm. 3. Akiliisussaatitaasup imaluunniit akiliisussaatitaasut imm. 1-imi taaneqartutut nalunaaruteqanngippata, akiliutissaaq qaffasinnerpaaq aalajangiunneqassaaq.

Akiligassat akilinngisat aamma ulluunerani neqerooruteqartarnermiikkunnaarsitsisarneq

§ 12. Akiliisussaatitaasq imaluunniit akiliisussaatitaasut akiligassaminnik akilinngisaqalerpata, pineqartullu akiligassamik akilersornissaat pillugu isumaqatigiissusioqqullugit akiliinissamik eqqaasitsissummik tigusaqareersimappata meeraq pineqartoq perorsaanermik ineriikkiartuutaasumik ulluunerani neqeroorutaasumiikkunnaartinneqassaaq, tak. § 13.

Imm. 2. Akiligassat akilinngisat tamarmik, akiliinissamik eqqaasitsissutip ullulerneraniit ullut 14-it qaangiutsinnagit akilernerqarpata, perorsaanermik ineriikkiartuutaasumik ulluunerani neqeroorutaasumiikkunnaarsitsinerimik aalajangiineq atorunnaassaaq.

Imm. 3. Akiligassanik akilinngisaqarneq pissutigalugu meeqqap perorsaanermik ineriikkiartuutaasumik ulluunerani neqeroorutaasumiikkunnaarsittariaqarneranik akiliisussaatitaasumut imaluunniit akiliisussaatitaasunut nalunaaruteqarneq peqatigalugu isumaginninnermik suliaqartut kalerrinneqassapput.

§ 13. Meeqqamik perorsaanermik ineriikkiartuutaasumik ulluunerani neqeroorutaasumiikkunnaarsitsinerit tamarmik minnerpaamik qaammammik ataatsimik sioqqutsisumik nalunaarutigineqartassapput qaammatip aallaqqaataani atuutilertussatut.

Atuutilersitsineq

§ 14. Nalunaarut manna 1. januar 2010 atuutilerpoq. Ilutigalugu Meeqqat ulluunerani paaqqinnittarfiutaaniinnerinut kommunillu aaqqissugaanik ulluunerani angerlarsimaffimmi paaqqinniffinniinnerinut akiliuteqartarneq pillugu Namminersornerullutik Oqartussat nalunaarutaat nr. 18, 14. september 2006-imeersoq atorunnaarsinneqarpoq.

Imm. 2. Meeqqanut sulī atualinngitsunut perorsaanikkut ineriikkiartuutaasumik ulluunerani neqeroorutitut akiliuteqartarnermut kommunalbestyrelsip 2010-mut aalajangiinnermini Meeqqat kommunip ulluunerani paaqqinnittarfiutaaniinnerinut kommunillu aaqqissugaanik ulluunerani angerlarsimaffimmi paaqqinniffinniinnerinut akiliuteqartarneq pillugu nalunaarut nr. 18, 14. september 2006-imeersoq najoqqutarissavaa.

Mimi Karlsen

/

Lise Lennert Olsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut